

هاوانین ساختاسی زلزله‌زده‌لرین اورک داغینی چوخالدير

جام جم آنلاين: قيش يئتيشیر، ساختا ياواش-ياواش اؤزونو گؤرسدير و صيفردن آشاغی درجده هر ساختيماندا ياشاماق چتیندير، هله قالسين کی او ساختادا موناسیب اولمايان چادير ایچینده کیچیک اوشاقلار و خسته قوجالارینان قالاسان. کندیلر دئیرلر ایستی‌لتمه وساییلدن‌ده خبر یوخدور، چادیرلار سو کئچمز دئیرلر و بیر طرفدن‌ده یاغیش سویو اونلارین آلتیندان کنچیر.

«بوردا گئجه‌لر چوخ سویوق اولور، بیزیم ائو-انشیگیمیز یوخدور و گئجه‌نی سحره‌جن تیر-تیر تیتره‌ییروق.» بو زلزله‌زده‌لرین سسی‌دیر کی ایستیرلر سسلری مسنوللارین

قولاغینا چاتسین. دئیرلر ایندی کی خاروارلار تورپاغین آلتیندان سالیم چیخمیشیق اومیدواریق کی قیشی لاپ آز ایمکانلارینان باشا وئراق. کندیلر دئیرلر ایستی‌لتمه وساییلدن‌ده خبر یوخدور، چادیرلار سو کئچمز دئیرلر و بیر طرفدن‌ده یاغیش سویو اونلارین آلتیندان کنچیر. منطقه‌ده پاییز یاغیشلاری باعیت اولوب زلزله‌زده‌لرین چادیرلارینا سو دولسون. دره‌لده قورولموش چادیرلاری سو اپاریر و اوجالیقلاردا قورولموش چادیرلاری پاییز کولگی آباریر.

ایندی ساختا فصلی‌نین یاخینلاشماسینن کندیلرین چاره‌سی قالمايیب کی، هر جانلی وارلیغا یاشایشی چتینله‌دن سووقدا قیشی باشا وئرسینلر. زلزله‌زده کندلرین هامیسی‌نین وضعیتی بئله‌دیر؛ بیر حالدا کی مسنوللار زلزله‌زده‌لرین ائولرینی تحویل وئرماقدان دانیشرلار. اما یتیشن گوزاریشلره گؤره جماعتین چوخو

چادیردا و بۇحران شرابطده یاشیرلار. بو منطقه‌نین هاوا شرابطی گؤرسدیر کی چوخ تنز یاغان قار نه ورزقان، اهر و هریس ائولری‌نین دامی بلکه زلزله‌زده‌لرین چادیرلاری اوستونده اوتوروب. زلزله‌زده منطقه‌لرین تازادان دوزلتمه‌سینده کم‌کارلیق، ایندی اوستائین نوماينده‌لری‌نین‌ده سسینی چیخاردیب. ائله کی اهر، ورزقان و هریس شهرلری‌نین ایکی

نوماينده‌سی عباس فلاحي و الله وردی دهقاني، جام جم آنلاينا دئیدیلر کی ایشلر بئله گئتسه زلزله‌دن دیری قورتولانلار ساختا و ناخوشلوق اثرینده آرادان گئده‌جاقلار.